

The Electronic *Manipulus florum*
www.manipulusflorum.com

Doctrina siue doctor ae
cum fonte primo

Si bene uixerint, eorum est lucrum; si bene docuerint, uestrum.
Accipite igitur quod uestrum est; nolite discutere quod alienum est.

Frequenter enim de malo homine bona doctrina procedit,
sicut terra uilis preciosum aurum producit.
Nunquid propter uilem terram preciosum aurum contempnitur?
Igitur sicut aurum eligitur et terra relinquitur,
sic et uos doctrinam accipite et mores relinquite.

Crisostomus ibidem (super Matheum) super illud:
Quecumque dixerint uobis facite secundum uero opera eorum.

Si bene uixerint, eorum est lucrum: si bene docuerint, uestrum.
Accipite ergo quod uestrum est, et nolite discutere quod alienum est.
Sicut enim sacerdotes etiam infideles docent propter fideles,
melius iudicantes propter bonos etiam malos fovere,
quam propter malos etiam bonos negligere:
sic ergo et uos propter bonos sacerdotes etiam malos honorate,
ne propter malos etiam bonos contempnatis.
Melius est enim malis iusta praestare, quam bonis iusta subtrahere.
Frequenter enim et de homine malo bona doctrina procedit.
Ecce enim et uilis terra pretiosum aurum producit.
Numquid propter terram uilem pretiosum aurum contempnitur?
Non: sed sicut aurum eligitur, et terra relinquitur,
sic et uos doctrinam accipite, et mores relinquite.

Pseudo-Chrysostomus, *Opus imperfectum in Matthaem*, 43 (PG 56,
cols.876-877).